

Whakatuunga Mema mo te Kaunihera Maori o Rongokako i raro i nga tikanga o te Ture Kaunihera Maori, 1900.

Tari o te Minita mo nga Mea Maori,
Poneke, 19 o Akuhata, 1910.

KUA pai His Excellency te Kawana ki te whakatu i a

HOANI TUTU TE WHAITI, o Kohunui, Pirinoa, raua ko
NIKORA TE PEETI, o Makirikiri,

hei mema mo te Kaunihera Maori o Rongokako, hei whaka kapi mo Retini Tamehana Whanganuiatara raua ko Rangitaurira Hamuera, kua whakakorea nei i te mea ka toru o raua ngaronga i nga huinga putuputu o te Kaunihera.

TIMI KARA,
Minita mo nga Mea Maori.

Te Makarini Scholarships, e tukua ana i te Kareti Maori Te Aute, Haaki Pei.

ETORU nga *Scholarships* e puta ana i te tau mo nga tau e rua, a e £35 nga moni mo te *Scholarship* kotahi. Kotahi o aua *Scholarships*, ka kiiia ko te *Senior Scholarship*, e tuwhera ana ki nga tamariki tane Maori katoa kaore e neke atu ana o ratou tau i te tekau-ma-ono i te ra whakamutunga o te marama i mua atu o te ra i whakaritea mo tenei uiuinga mataauranga. Ko era atu *Scholarships* e rua ka kiiia he *Junior Scholarships*, kotahi o enei *Scholarships* e rua e tuwhera ana ki nga tamariki Maori katoa e iti iho ana o ratou tau i te tekau-ma-wha i te ra whakamutunga o te marama i mua atu o te ra i whakaritea mo tenei uiuinga mataauranga, ara ki nga tamariki kua tae nei ki nga Kura Maori ki etahi atu Kura ranei, kei raro i te mana o te Tari mo nga Kura, a e whakaarohia ana hoki e te Kai-tirotiro Kura Maori i hono tonu to ratou haere ki te Kura i roto i te tau i mua atu o te uiuinga mataauranga; ko te rua o nga *Scholarships* nei e tuwhera ana i runga i aua tikanga nei ano ki nga tamariki Maori i pai ta ratou hono tonu te haere atu ki tetahi Kura ke atu i Te Aute i Tipene ranei, i roto i te tau i mua atu o te uiuinga mataauranga.

Ko aua *Scholarships* hei whakataetaenga ma nga tamariki tane Maori i raro i nga tikanga kua whakatakotoria e nga kai-tiaki o nga moni mo te Makarini *Scholarship*, kua oti te ta ki roto ki te Kupu Apiti ki nga Kupu Tohutohu mo nga Kura Maori, 1908; a kei roto hoki i nga rekureihana kua whakatikatikaina, e mau nei i roto i te pukapuka whakatu (circular memorandum) a te Tari mo nga Kura, o te 25 o Aperira, 1910. Ka tu taua uiuinga mataauranga ki nga wahi e mohiotia ana e pai ana hei haerenga atu mo nga tamariki a te 5 me te 6 o nga ra o Tihema, 1910.

Ko nga tamariki e mea ana kia uiuia to ratou mataauranga, me tuku pukapuka atu ki te Kai-tirotiro Kura Maori, i te Tari o nga Kura, i Poneke, whakaatu i to ratou hiahia kia haere atu ratou ki te uiuinga mataauranga, me tuku atu ranei ki te Kai-whakaako o to ratou Kura, mana e tuku mai. Ko taua whakaaturanga me tuku mai i roto i te meera kia tae mai i mua atu o te 26 o nga ra o Oketopa, 1910.

Ko nga kape o nga pukapuka whakaatu i nga tikanga kua whakatakotoria e nga kai-tiaki me te ahua o te pukapuka e meingatia ana kia tuhia e te tamaiti e mea ana kia uiuia

tona mataauranga, kei nga Kai-whakaako o nga Kura Maori, nga Kura nohoanga tamariki, nga Hekeretari o nga Kura Poari, me te Hekeretari o nga Kura e takoto ana, a me tonu atu ki a ratou.

Na TE MANU,
Kai-tirotiro i nga Kura Maori.

Tari o nga Kura,
Poneke, te 15 o nga ra o Hepetema, 1910.

PANUITANGA.

PEEKE TIAKI MONI I NGA POUTAPETA.

1. **E**TUWHERA ANA he Peeke Tiaki Moni i ia ra i ia ra mo te mahi tango moni mo te mahi utu moni hoki i te nuinga o nga Poutapeta Whakaputa Ota Moni i Niu Tirenī, i roto i nga haora i whakahaerea ai te mahi mo nga ota moni.

2. Ko te moni hua e riro ana i te Kai-tuku Moni e £3 10s. i roto i te £100 mo nga moni tae atu ki te £300 e tukua ana e ia ki te peeke pera takoto ai, ki te neke ake nga moni i tukua peratia i te £300 tae atu ki te £600, ka heke iho te moni hua ki te £3 i roto i te £100. Kaore e utua ana he moni hua mo nga moni i neke ake i te £600 o te kaute kotahi.

3. E tino tau ana ki runga ki te Kawanatanga tonu te tikanga mo te utu hohoro i nga moni kua tukua e nga Kai-tuku Moni ki aua peeke takoto ai.

4. Ka ahei te Kai-tuku Moni ki tetahi Peeke Tiaki Moni a te Poutapeta, ki te tuku moni ki etahi atu o nga peeke pera i roto i taua Takiwa Poutapeta takoto ai, ka ahei ano hoki ia k te tango mai i tana moni i roto i tetahi Peeke Tiaki Moni i te Poutapeta i roto i te takiwa e marama ana hei tononga atu mana.

5. E kore rawa e whakina nga ingoa o nga Kai-tuku Moni ki nga Peeke Tiaki Moni i nga Poutapeta, te nuinga ranei o nga moni i tukua atu e ratou ki te peeke takoto ai.

6. Ka ahei nga tamariki ki te tuku moni ki te peeke pera takoto ai, ka ahei ranei kia tukua he moni ki te peeke i runga i o ratou ingoa. Ki te maha atu o ratou tau i te whitu ka pena ano te tikanga mo ratou me te tikanga e whakahaerea atu ana ki te hunga kua pakeke; engari ia e kore nga tamariki e ahei te tango atu i aua moni kia tae ra ano o ratou tau ki te whitu nga tau.

7. Ka ahei kia whakatuwheratia he Kaute Tukunga Topu i runga i te ingoa o te hunga tokorua, maha atu ranei mo te taha ki a ratou, mehemea e hara ratou i te Kai-tuku Moni i runga i te tikanga topu, motuhake ranei.

8. Ko nga tonu katoa e pa ana ki te tikanga whakahaere i te mahi o nga peeke Tiaki Moni i nga Poutapeta, me nga utu ki aua tonu, e puta utu-kore ana i roto i te meera.

9. Ki te hiahia te tangata kia whakamaramatia atu etahi atu kupu mo runga i te mahi whakahaere i nga Peeke Tiaki Moni, ka taea tena te tonu atu ki te Rangatira o tetahi Poutapeta, te tonu atu ranei ki.

TE HEKERETARI,
O te Tino Poutapeta, i Poneke.

Te Tino Poutapeta,
1 o Hanuere, 1907

I taia i runga i te Mana o te Kawanatanga o Niu Tirenī, e HOANI MAKAE, Kai-ta a te Kawanatanga, Poneke.